

瘋門全書

者不少張子云疲瘵殘疾者吾兄弟之類
連而無告者也不其然乎願治是疾古今
既少專書方亦寥寥而庸輩偶得一二方
私爲祕本挾此以索重賞及可以病源藥
性茫然不知其故精醫之士又或畏其穢
汚而不經心或目爲正報而托於緣定使

抱是病者有病無藥致自縊投水死者往往有之余甚憫焉究心多年治不下數百餘人爰著此編舉其綱張其目條分縷晰三易寒暑頗費苦心閱是編者豈惟可以治癘亦於分經治病之道可得其概矣有心者廣而行之亦吾輩隨地利人之一端

也歟

嘉慶元年孟夏月初九日曉亭主人書

序

疾病之最慘最酷最易傳染而不忍目覩者
曰瘟疫曰癘瘋仲景瘟疫論兵燹後盡失其
傳賴姑蘇吳又可特闢手眼破叔和之籬藩
接長沙之心傳參伍錯綜委曲詳明至今兆
民賴以生全獨癘瘋幾千百年明哲代出無
不爲之束手聖如丹溪治效四人後三人猶
復發而斃以故患是疾者戚里惡聞骨肉遠

避痛苦之餘求死不能求生不得甚至有投
水懸梁自戕其命而啣冤地下者則癘瘋之
慘酷比之瘟疫殆尤甚已乾隆嘉慶間是疾
吾省罕見今則村落中十里五里處處咸有
天地殺厲之氣愈積愈盛或目爲正報或諉
爲劫運余竊非之夫病各有因外而六淫因
乎天也內而七情因乎人也癘瘋則地氣所
主而天與人從此應之大抵染是疾者惟東

南最盛太河以北未有也豈非東南地勢卑
下魚鼈龍蛇之蟠踞濕極生熱熱極生濕二
氣互蒸常則爲嵐爲霧爲烟瘴變則另有一
種濁氣穢氣毒氣與夫似濁非濁似穢非穢
似毒非毒之氣從地而起人在氣交中如魚
在水無隙可避輕則傷及肌膚重則傷及筋
骨又重則傷及臟腑苟非有人焉仰觀俯察
洞見其源而設法以救之豈能使民無天札

哉余賦性素懶攻舉子業亦不求甚解而於
岐黃術獨好深湛之思每念百病皆有方法
何癘瘋一門獨無專書行世豈天道之好殺
與抑人事有未盡與嘗以此語質之全石劉
席觀先生先生曰是書吾家藏有善本係廬
陵蕭君曉亭所手著治經千人應如桴鼓嘗
欲刊印萬本遍送鄉場應試諸公惜有志未
逮臨終以其書授余謂余能不負所托今老

先大父醒初公素稱博雅

廷

試南歸由蘇杭書肆購有古今奇書除經史百家外如天文地理以及醫卜星數無不精通其術先君子曉亭公幼承庭訓日授最真而於醫道更詳蓋以醫乃仁術可以濟人誠如范文正公所謂願爲良醫也嗣是先君子醫人神效素不受謝遠近踵門求方者益眾惟治癘一途尤殫精竭力

旁搜遠索又得各家祕本斟酌損益歷數
寒暑而始集其成而更遵仲景六經之法
治之以故醫癘百不失一欲公諸世誠恐
傳非其人或以此爲射利之門一再傳後
有失其真者矣鈴陽 劉全石先生孝友
成性古道照人與先君子氣誼相投爲知
心交而於天文地理醫卜星數互相參稽
如是者有年歲辛酉先君子病篤遣价迎

全石先生於分宜至則縱論古今其病若
失一夕謂先生曰爾我治癘一法所活不
下數百人欲將所註癘疾輯要及所記癘
疾備要二卷俟歲貢後刊刻萬本卽在江
西鄉場分送應試者又聞粵東多癘亦印
送萬本遍送鄉試諸公今墓木拱矣無後
望矣若成此事非君未有可託者乃檢出
輯要備要二書再拜而授之先生亦再拜

而受之。二人握手淚下。馨等亦泣而誌之。

不敢忘。不逾月先君子捐館舍矣。厥後

全石先生罕至吉州而馨等兄弟亦橐筆

遨遊羊城十有九年。饑軀依人未能刊布

其書。今仲夏先生命其主器東昌君晉暑

來舍道及同邑孝廉袁春臺先生欲集

同人刊布此書。馨聞喜甚愧甚愧者愧馨

兄弟徒讀父書不能成先志也喜者喜善

與人回得有 全石先生與孝廉袁君
乃檢先君子手定原稿交東昌君其再拜
授受亦如前他日刊刻成書分布天下俾
癘疾不降民無天札是卽 全石先生與
孝廉 袁君之功也亦卽吾祖父之志也
而馨等兄弟何有焉是爲序

道光十年歲次庚寅季夏朔日廬陵一山

氏蕭桂馨謹識

鈴陽劉全石先生博雅士也亦端慤人也
自棄去舉子業究心於天文地理醫卜星
數特見精妙垂老時在舍親歐陽質中昆
季家得挹其道範數相把晤忘年結契並
其家嗣東昌君亦得間與道欵往時與廬
陵廩膳生蕭君曉亭先生相友善曉亭遂
於醫於治癘一門尤屬專家癘門本少傳

書亦乏良方乃遵仲景六經之法苦心冥
索三易寒暑分列綱目詳加註釋成書二
卷名曰癘疾輯要癘疾備要以之治癘百
不失一嘗言全活不下數百人欲刻行世
未遂厥志以其書託全石先生梓行以先
生敦氣誼重然諾謂能不負所託後先生
商諸家孝廉春臺君春臺偕同志愆愚就
梓未及付剞劂而先生捐館舍矣春臺亦

頻歲留滯京邸此舉遂不果今歲之暮春
東昌君已將是編授諸梓人因丐一言以
識巔末行見書成不脛而走天下天下之
染是疾者立起沉痾何厚幸也東昌君可
謂克廣德心能成父志矣全石先生真可
謂有子並幸能不負死友矣事之成廢有
時殆亦有數存乎其間信夫

道光十六年暮春月宜陽曉村袁壯輿謹

通志全書卷之

識

矣恐此書不成無地見曉亭矣子其有意乎
余聞而喜出望外急索其書而讀之見其論
證精細處藥和平而又曲盡變態得心應手
洞垣窺牆之技不是過矣爰集同人註而梓
之斯亦儒者隨地濟人之端乎抑余因之有
感矣方今天下經驗奇方當不止此如蕪湖
之藥酒通州之眼藥以及化痞諸膏要皆私
諸家以爲子孫射利之途曉亭不傳其後

湖門全書卷之四
三
嗣而獨傳先生先生亦不傳其後嗣而獨傳
余非曉亭不能知先生非先生亦不能不負
曉亭而諸君子之慷慨好義俾余與先生與
曉亭終相與有成也亦非偶然矣是爲序
道光十二年庚寅秋後一日鈴陽春臺袁世

熙序

原序

序

輯要備要

原序

外集古法

原錄目次

述古八則

論治廿一條

論證三十六種

五不治

五主治

內治九法

外治六法

瘋門總論

瘋門總藥

正治方

小神丸

大神丸

搜風散

驅毒疏風方

活血解熱湯

涼肝八寶丹

疾黎散

涼血解毒湯

防風通聖散

何首烏散

羅氏何首烏散

初服九味羌活湯

二服防風散通聖

三服三黃解

初服磨風丸

二服追風丸

三服解熱除

四服搜風潤腸丸

五服收功丸斷根

六服復原固

瘋病愈後平常浸酒方

蕪蛇酒

生熟地黃丸

吉水李先先生傳瘋病經驗奇方

水藥方

丸藥方

又水藥方

丸藥方

又水藥方

滿面紅塊遍身痒點方

瘋病經年

滿身紅腫燥痒潰爛水不乾

方新牙曾克廣梓行方序

兩手麻痺方

手足自搖方

初服方

次服方

三服方

四服方

五服方

麻木水藥方

宣毒去風湯

涼血解毒湯

麻黃散

驅風活血丸

萬驗感靈神丹

普濟

八字丸

寬胸行氣散

三黃解毒湯

加味道遙散

胡麻散

天麻散

防風天麻丸

蔓荊子散

透經解變湯

愈風丹

人參消風散

羌活當歸散

寶鑑換肌散

樺皮散

醉仙散

瀉青丸

神效清目散

瀉白散

瀉黃散

雷丸散

雷丸酒

白花蛇丸

乳香丸

大麻仁酒

紫茄子根散

神仙退風丹

張真君痲瘋方

白鹿洞方

秘傳漆黃蟬丹

六香散

八金散

神效清目飲

明目解毒湯

猪肝散

又猪肝散

麻木不仁方

麻木不仁丸

宣下去風解毒湯

又第二九子方

變方

神效黃耆湯

當歸飲

生脈散

清涼飲

小柴胡合四物湯

獨活寄生湯

清心蓮子飲

潤腸丸

竹葉石膏湯

人參平肺散

四君子湯

四物湯

六味丸

八味丸

補中益氣湯

十全大補湯

歸脾湯

養血湯

人參理中丸

四神丸

清暑益氣湯

回陽起痿丸

補方升麻湯

四生散

小兒麻木方

攻方通天再造散

追命散

二聖散

行藥方

外治方

洗癩瘡方

又洗藥方

發汗方洗全

平常熏洗方

洗大痲風方

熏洗方

專治紅雲方

又退紅雲方

又方

又方

擦退紅雲方

搽瘰肉方

回瘰方

塗頑癬方

治紅堆方

治心經紫雲方

治脾經瘰癧方

治腎經脚破方

又方

治汗不乾方

搽方

敷爛足方

又敷足爛方

敷足上爛肉方

大白膏

大黑膏

當歸膏

生眉毛方

則柏葉丸

生眉散

瘋後生眉方

生眉毛方

畫眉丹

治口橫縱方

白丁香散

洗眼方

通鼻塞方

細辛散

又方

通關散

鼻赤祕方

又鼻赤方

椿根湯

爛肉妙方

草藥涼血方

又方

解砒礶毒方

解巴豆毒方

解雄黃毒方

解藜蘆毒方

解二烏毒方

外治針法

灸法

燒法

熏洗法

爛法

付點痣方

付爛瘰癧法

補雷火針法

灸穴圖

戒口歌

宜食歌

服藥忌日

相生日

輯要備考方錄原目次

癘病論

五臟見證

五不治

防風通聖散

加味逍遙散

柴胡益母湯

補中益氣湯

六味地黃湯

四物湯

四君子湯

十全大補湯

歸脾湯

神效黃耆湯

香經解熱湯

人參消風散

羌活當歸散

當歸散

追命散

胡麻散

天麻散

蔓荊子散

何首烏散

羅氏何首烏散

萬字散

驗字散

靈字九

感字九

神字九

丹字九

普字藥酒

濟字九

寬胸行氣散

三黃解毒湯

生眉毛方

側柏葉丸

猪肝散

又猪肝散

白丁香散

回痺方

敷爛足方

治紅堆方法

又敷爛足方

不仁各方 凡四

治頑癬方

大白膏

大黑膏

發汗方

各家祕方

初服方

三花飲

羌活當歸散

宣風解毒湯

神效清目飲

涼血解毒湯

小神丸

除根大神丸

通天再造散

通鼻塞方

擦癬肉方

洗癩瘡方

忌食歌

又洗藥方

敷足爛方

宜食歌

治口瘡口空方

管氏水藥方

九藥一方

以上共七十一方

外集古法方錄原目次

論

樺皮散

二聖散

補氣瀉營湯

醉仙散

通天再造散

瀉黃散

小柴胡湯

黃連解毒湯

犀角地黃湯

升麻湯

八味丸

八味丸

補中益氣湯

四物湯

四君子湯

柴胡清肝湯

實昇天麻湯

芎歸湯

聖愈湯

柴胡四物湯

十全大補湯

清燥湯

清暑益氣湯

人參益氣湯

蓮子清心飲

四物二連湯

竹葉石膏湯

潤腸丸

歸脾湯

八珍湯

升陽益胃湯

加減八味丸

涼膈散

清涼飲

人參養營湯

當歸補血湯

加味清胃飲

理中湯

當歸八和湯

瀉白散

加減金匱腎氣丸

竹葉黃耆湯

柴胡梔子散

滋陰地黃丸

神效黃耆湯

決明夜靈散

益氣聰明湯

黃耆烏藥湯

五味異功散

妙香散

四七湯

四神丸

透經解鬱湯

秦艽地黃湯

易老祛風丸

四生散

消風散

羌活當歸散

清肺飲

黃耆清肺飲

五淋散

羌活白芷散

海藏愈風湯

當歸飲

胡麻散

雷丸散二方

治癩風白蠱丸

行藥方

防風天麻丸

乳香丸

火麻仁酒法

紫茄子根散

神仙退風丹

天麻散

瘋門全書
葛荆子散

何首烏散

追命散

漂洗癩瘡方

黃連散

側柏葉丸

白丁香散

羅氏何首烏散

以上共八十四方

劉全石先生藏本目錄

第一卷

大麻瘋廿一論

三十六種

小神丸

行藥方

灸法

燒法

針法

熏先去

京丹八寶丹

戒日歌

宜食歌

神效清目飲

涼血解熱湯

除根大神丸

專退紅雲方

又退紅雲方

又方

擦退紅雲方

爛肉妙方

付點痣法

擦癩肉方

通鼻塞方

雷火針法

驅毒疏風方

草藥涼血方

又方

涼血狗寶丹

搜風散

舒筋蕤藜散

涼血解毒湯

麻黃散

驅風活血丸

灸穴圖

去口縱橫方

點面上墨字方

氣月全書

目次

第二卷

內治九法

五經主藥

得聚芳師書

初服九味羌活湯

二服防風通聖散

三服三黃解毒湯

發汗方

汗後下藥方

瘋門諸藥加減法初服磨風丸

二服追瘋丸

三服解熱除毒湯

四服搜風潤腸丸

五服收功斷根丸

六服復原固本丸

治心經茅雲方

治脾癆癘方

平常熏洗方

治肺經冒脫方

治腎經濕皮方又方

治手足麻木方

治口眼喎斜方

洗眼方

愈後浸酒方

斲蛇酒

生熟地黃丸

當歸膏

加味道遙散

瘋病總論

得曉亭先生書

防風通聖散

外加三黃解毒湯

第一治麻木發汗方

洗同

萬字丸

驗字丸

靈字丸

感字丸

應字丸

寬胸行氣散

又補氣丸第七

治瘋後生眉方

痺方

敷瘋爛足方

麻木不仁藥方

麻木不仁丸藥方

宣下解毒方

又第二九方

曾氏第一號方

第二號方

第三號方

第四號方

第五號丸

服藥真相

李先生傳方

又治瘋經驗方

水藥方

丸藥方

水藥方

丸藥方

水藥方

經年滿身紅腫方
搽方

滿身紅塊方

兩手麻痺方

滿身白塊方

手足自搖方
付下

十指彎曲方

張君瘋方

白鹿洞方

祕傳漆黃蟾酥丹

洗大瘋方

七眉散

畫眉丹

千金麻風方

素問脈要精微論曰脈風成爲癘風又曰風寒客於脈而不去名曰癘風癘風者營衛熱其氣不清故使鼻烈壞而色敗皮膚瘍潰

長刺篇論曰大風骨節重贅肩墮名曰大風

靈樞曰癘風者數刺其腫上已刺以鈹針針其處按出其惡氣腫盡乃止常食方食毋食他食

千金翼者婆治惡病曰疾風有四百四種總而言之不出五種卽是五風所攝云何名五風一曰黃風二

曰青風二曰白風四曰赤風五曰黑風其風合五臟
故曰五風五風生五種虫黃風生黃虫青風生青虫
白風生白虫赤風生赤虫黑風生黑虫此又五種虫
食人五臟若食人脾語變聲散食人肝肩腫蒸食
人肺鼻柱崩倒鼻中生息肉食人腎耳鳴啾啾或如
車行雷鼓之聲食人戊皮膚癩癩食人筋肢節墜落
五風合五臟虫生至多入於骨髓來去無礙壞於人
身名曰疾風疾風者卽癘病之根本也病之初起或
初計佳所則名曰川或川虫走名曰疔或風身動

名曰腫風。不覺痛痒。名曰頭風。內起如桃李小棗核。從頭起者。名曰煩風。從兩足起者。名曰道風。如連錢。團圓赤白青烏斑駁。名曰癩風。或遍體生瘡。或如疥癬。或如魚鱗。或如榆莢。或如錢花。或痒或痛。黃汗流。出眩節壞爛。悉爲膿血。或不痒不疼。或起或滅。青黃赤白黑。緣身不定。病起之由。皆因冷熱交通。流入五臟。通徹骨髓。用力過度。飲食相違。房室不節。虛動勞極。汗流遍體。因此濕積熱徹。五臟飲食雜穢。虫生至多。食人五臟骨髓。皮肉筋節。久久壞敗。名曰癘風。丹

漢云癩疾須分在上下。在上者以醉仙散取臭惡血
 於齒縫中出在下者以通天再造散取惡物蛻虫於
 谷道中出所出須有上下道路之異然皆不外於陽
 明一經而已。看其證之。上身先多見者病在上也。下
 身先見多者病在下也。上下同得者病在上下也。何
 則。天陽明主胃。與大腸無物不受。多氣多血邪風之
 傷人也。氣受之。上身多血受之。下身多氣血俱受。上
 下皆多。自非醫者神手。病者鐵心。罕有效者。夫氣為

身半以上傷左之身半以下

陰先受之是故再造散治病在陰分用皂角刺逐風
毒於營血中肝藏血惡血留注不能運動故虫生焉
必用此以治其臟氣殺虫爲主以大黃引入腸胃利
出瘀惡虫物醉仙散治病在陽分用牛蒡子驅風毒
惡瘡於遍身胡麻逐風補肺潤皮膚蒺藜去惡血身
體風痒通鼻氣防風治諸風瓜蔓根治瘀血消熱腫
拘樞消風熱解毒瘡蔓荆子逐賊風苦參解熱毒然
必藉輕粉爲使逐出胃腑惡毒臭穢之物殺所生之
虫循經上行至牙齒軟薄之分而出其臭毒之涎水

服藥後若損齒則以黃連末搯之或先佐入劑中以
解輕粉之毒輕粉在醉仙散中有奪旗斬將之功遂
成此方之妙用非他方所可並及者

薛新甫曰癩瘍所患非止一臟然其氣血無有不傷
而其證亦無有不雜况積久而發現於外須分經絡
之上下審氣血之虛實不可概施攻毒之藥當先助
胃壯氣使根本堅固而後治其瘡可也

癩瘍當知有變有類之不同而治法有汗下砭刺灸
補之不一蓋類證當審輕重變證當詳真偽而治法

又當量其人之虛實究其病之源委而施治焉夫虛者正氣虛也實者邪氣實也

癘瘍針砭之張子和云一汗抵千金蓋以針血不如發汗之週遍也發汗針血二者一律若惡血凝滯在肌表經絡者宜刺宜汗取委中出血則效若惡毒蘊結于臟非蕩滌其內則不能療若毒在外者非刺遍身患處及兩臂腿腕手足指縫其毒必不能散若表裏俱受其毒者非外針內泄其毒決不能出透若上身患多宜用醉仙散使內蓄惡血於齒縫中出又刺

十指用並臂腕以去肌表毒血下身患多宜用再造散令惡血虻虫於谷道出仍針足指縫並腿腕隔一二日再刺之以血赤爲度如有寒熱頭痛等證又當因證而施治焉

痲瘋二十一論

削去八條增入八條
改正十三條

痲瘋者古人呼爲癘風又名惡疾廣東呼爲大痲風又名疙磨外省或呼爲大皮風又曰癩皮瘋染是疾者夫妻兄弟子女離散戚友避之行道叱之顛連無告至此極矣醫者不知受病之源或言傳染或言風

水雖非無因。然未必皆此之故也。蓋東南地卑近水之處。此疾尤甚。天氣較炎。地氣卑濕。濕熱相搏。乘人之虛。入於營衛。衛氣受之。則上身證多。營血受之。則下身證多。營衛俱受。上下俱多。此其大概也。究之無論上下。必氣虛邪始乘之。而入血虛邪始乘之。而凝結於筋絡。積於肌肉。腠理之間。鬱久生熱。故此病血熱居多。又或臥於濕地。受其熏蒸。或汗出後。浴洗冷水。或濕衣沾身。或房勞後。浴冷臥濕。皆能受病。初則血滯不行。漸生麻痺。日久漸大。不知痛痒。針之不痛。

今年發手。明年發足。或如癱形。或如瘡癩。或似虫行。或筋痛肉跳。久則傷形。變貌面生紅堆耳。或長大時。如蟬鳴。臉如酒醉。又如油塗。手拳脚跛。口喎眼斜。鼻塌唇翻。不早治成癘疾矣。

癘風古無治法。丹溪止用醉仙散。再造散二方。但服輕粉多。生輕粉毒。恐一疾未愈。又添一疾。又有大黃皂刺牽牛之類。然惟實者可用。氣血虛者反耗元氣。東垣海藏各有數方。亦兼他病而治之。至著婆所列各方。藥多難製。外此方書所載。亦殊寥寥。若薛新甫

癩瘍機要詳於變證類證而畧於正治要之濕熱相搏邪氣乘虛而入總以涼血和血爲主驅風驅濕爲佐審元氣之虛實按六經以分治斯治癩之要道也病之輕者背腰手足之間形如疥癬不痛不痒頭面或似虫行或手足骨節間撞之如刺痛或時作熱拭之又無病之重者手足生瘡肉中結核臉紅耳腫口喎眼斜至年久病深壞形變貌鼻塌肉崩手指脫落足底爛穿則難治矣又身有麻木數月卽發外雖重易治丹溪謂麻木乃癩疾之本是也又手有痺肉則

虎口肉珠必焦左手痺則左虎口肉焦右手痺則右
虎口肉焦輕則肉珠瘦小重則肉珠消陷若兩手俱
無痺肉則虎口肉珠俱全此法止可看手之輕重面
背腿足之疾不驗之於此

面帶紫色常如醉人且如油塗俱有微浮或黑而枯
瘦或黃而有浮光其人身上有麻木或數月即發
或數年或數十年始大發近發易愈遠發難治原於
初起不信之故耳

南人謂藥治不過三五年後必復發俗云此病只好

治外不能除根皆不通之論也。大凡染病者多曾藥餌難繼。或半痊而囊空。或痊後不戒食物不守禁忌。或治之未盡。有一點痺肉未活。或痺肉活而皮色未復原。以致復作。此疾最忌房事。蓋精乃骨髓精洩。則毒氣乘虛而入。若不斷此。必不能治。愈後不再戒。一年必復發。

輕者脚未吊。手未拳。鼻未塌。肉未崩。證本可治。而服藥無效。或氣虛未補。其氣血虛未補。其血又或兼有別證。當詳審之。

病在外而浮者易愈。在內而沉者難痊。氣血盛者易治。衰者難治。在外而浮者麻木不久。尙淺重扭則痛。毒發在外或癰或紅堆。卽遍身濕爛亦可速愈。在內而沉者。痺肉沉內。稍稍緣開面上。手足背腿各處紅紫之色。浸入肉內。不但現於皮膚。重扭不疼。針刺不知。治之必須一二年方可全愈。死肉紅堆刺淺卽覺痛者不必爛刺。深不知痛。刀割不知疼。鼠咬不覺宜用藥爛去。然後用膏藥貼之。用生肌藥敷之。卽易平復。未見疾而行臭氣逼人。此種一發必甚。亦易傳染。

虫乃肝經風熱所生肝不受牀則無虫謂瘋病無虫
固非謂瘋病有虫亦謬損筋者手拳足痿手拳不硬
以手按之卽直治之得法手可復伸硬者難伸脚吊
痿者不焦可復舊焦者難復手焦亦然折骨者手足
脫落四肢如冰骨節挺露形如枯樹名爲濕墜。

濕閉久而生熱熱鬱久而生痰輕則鼻塞重則聲啞
法宜清利肺經痰自息塞自通啞自開。

肺主氣肝藏血氣行則血行血凝因氣滯肺主皮毛
肝主經絡肝盛而脾胃亦病故現於面面屬陽明胃

也發於四肢四肢脾也筋弛皮痒肝之本證聲啞鼻
塞肺之本證折骨則腎病也其初必由肝肺而致又
肝木能自生風生虫肺失治節故眉落筋弛治瘋者
當以肝肺二經爲主

大小便不同器人皆知之外此病人吃烟亦宜避之
不病人吃烟見病人亦宜避之病人之尿不可淋烟
草淋則吃者必生瘋病此則人所不知或謂人之氣
血各歸其經豈能傳染他人不知疥癬尙有傳染何
况瘋乎父精母血交媾成形而所生男女或染或否

何也病在內者無不傳病在外者間有不傳未病而先生子能禁忌者不傳至云瘋病無及子女者其難也精血交媾夫妻豈有不傳男傳女者少女傳男者多何則女人因月水下而能洩其毒故瘋病者少或言婦人賣瘋之說理亦可信又言地土所產室女亦必賣瘋則終身不患此病而所賣之人則生瘋若果有此當於室女經水初至時即用藥治之以去血熱爲主以平祛肝經自生之風爲佐但得一次現面則毒出矣切不可用瘋門套藥用之反致成瘋存此以

質高明

氣血俱實脈實而有力表劑汗之使從表解峻劑下
之使從二陰而出次以清熱驅風養血之劑爲丸相
間而服又重者用藥煎水熏洗自當速效若氣血俱
虛者以補血和血爲主佐以涼血驅風之品緩緩治
之亦無不效大凡治瘋發出者易治服藥卽發亦易
愈

熏洗之法務要露出頭面凡瘠肉無汗者血死濕閉
故無汗汗卽血也血枯之人不可大汗先養其血血

漸復則可熏洗若多服丸藥久久汗出如常不熏洗亦可

痺者肉木而不痛若不針出死血勢必潰爛膿血淋漓但針出黑血不妨再針若針出鮮血卽止須一次針一處不可連針數處恐去血過多血盡而人亡也大抵爛之則效速不若針之效雖遲較爲穩當也灸法先將痺處以墨點記然後以生薑一片貼上用艾丸灸之覺痛卽止但痺少則可灸痺多則不勝其灸當以服丸藥爲主

死肌痺肉寒濕永結久則遍身發泡爛而爲瘡膿水
淋漓名曰風瘡又名疔瘡須用藥撒之令膿水乾則
結痂久之痂自脫落亦有服藥得法泡破而無膿水
者至狀若豆瘡硬如牛乳肉豆結核者不妨針出惡
血針而不愈以藥爛之爛後以膏藥貼之

男人血少以養血和血爲主驅風行滯爲佐女人血
多以活血行血爲主驅風燥濕爲佐男人忌房事女
人尤忌女不禁房事恐受胎一二月尙不知其虛實
投以風藥而胎墜矣胎墜則血氣俱虛毒更乘虛而

入而病愈重。况男女交接毒。又必傳染乎。又凡女人必兼一二味調經之品。

癘雖惡疾。治之得法。卽常用平和之藥。亦無不效。蛇蝎猶可用。至若砒礬蜈蚣斑蝥輕粉之劑。病之極重者。不得已而用之。不可恃此以爲常。川烏草烏附子肉桂虛寒之人。病愈後以之結功。則可以之治病。則不可。蓋辛熱之品。能燥血耗血。血虧而病愈加。不可不知。

發毒之物。助毒生冷之物。凝血凝滯之物。固毒煎炒

瘋門全書卷一
之物助火皆宜切戒二三年若自死禽獸之肉終身
宜戒母豬肉亦然

瘋疾傳染事故常有但迴避可也不共用器不同飲
食各房各床儘力求治寬以歲月無不全愈否則亦
當調停處置令衣食不缺若夫妻離棄之事切莫勸
解

癘疾諺云正報又曰現報原非妄談若自信罪愆難
逃果能矢志爲善人力可以回天卽自反無他過惡
亦當力行善事善事者何盡思盡孝敬兄信友敦宗

助於... 守注非謂經拜天妄祈福澤之謂人能如
此不但病易愈且爲後嗣種福所益多矣

痲瘋三十六種

大痲瘋

唇翻齒露眼扯脚吊手足指脫鼻梁崩塌損形變顏
種種惡狀年深病重無藥可治必用毒藥攻之久久
方效疾藜散之類

暑濕瘋

手足先有麻木次則身有死肉或如瘡疹或似疥癬

或皮肉常似虫行或耳腫長大或虎口肉焦身有紅塊紅堆臉有紅雲油光筋跳肉痛遍身搔痒或起白屑或起黑皮此大痲瘋之次也小神散主之

紫癩瘋

手足無痺耳臉紅光身有雲斑或有紫塊或有紅塊內紅外白時浮時沉或出風珠或出風團前方主之

白癩瘋

遍身花白點仍有痺肉狀似汗斑白轉紅紅轉白痺肉不甚死非風濕即輕粉毒並治之當兼擦洗立效

皮血光亮如油珠狀近火必紅眉髮先脫手足麻痺
肉中結核穿爛成瘡愈而復發以小神丸治之

白癩癩

毛髮俱白臉如傅粉目少至老發於遍身四體一色
手足軟弱間有紅粒一發不治又有輕粉毒亦類此

隱癩丙發

染者不覺勞熱則紅近火則光耳臉常熱足有瘡肉
臉似虫行拭之不見隱隱而出一發卽爛小神丸

乾瘋

身有粗皮。臉淡紅色。身有痺肉。手足焦枯。

猪頭瘋

臉紅耳腫。磊磊紅團。手足腫痺。身熱痰多。鼻塞聲啞。發之甚凶。治之易愈。

拔髮瘋

眉髮脫盡。然後疾出。手足麻痺。身有紅塊。預弄脚底。耳執眼跳。手拳足吊。疰痛無時。葵藜散主之。

侵熱瘋

初起勢驟遍體蒸熱然後病發用通瀉之劑佐以涼血如臉有紅塊以八寶丹治之

侵寒瘋

體既虛弱因受地氣地濕所侵初亦不覺身有痺肉手足焦枯肢體拘攣痰藜散主之

癩癧瘋

患如癩癧遍身搔痒身多死肉皮多麻木久則拘攣眉髮脫落痰藜散主之

癩皮瘋

如猪癩有密疹耳臉俱發手足破爛眉髮稀少搔之
皮飛身體瘦弱輕用搜風散重則葵藜散

牛皮瘋

皮破色淡抓之如竹殼不知痛痒色如牛皮面色蒼
黃手足瘦削輕用葵藜散重則不治

蛇皮瘋

身如蛇鱗足有破爛紅而兼黑身體瘦削手足麻木
且多痰輕用葵藜散重則不治

或食蛇神正明
亦致此病

牛蹄風

風癢多年。十指脫落。筋骨損傷。狀如牛蹄。不治。

雞爪瘋

受病多年。血不榮筋。麻木不仁。十指拳曲。狀如雞爪。疾藥散主之。

面遊瘋

臉如虫走。械之不覺。身如虱咬。尋之又無。漸漸麻木。微發紅塊。大痲瘋之根也。用搜風散治之。

金錢瘋

紅圈如錢。內紅外白。麻木不知。或則痛痒。婦人多患。

此證因月事時受濕而發。或經水滯於皮膚。狗寶丹
治之。

銀錢瘋

塊如錢大。內紅外白。刺之無血。白色如銀。先發於身。
後上面部。隱隱在內。輕用狗寶湯。重用蒺藜散。

胎毒瘋

父精母血遺毒子女。治法不一。相證用藥。

淫毒瘋 原名傳毒瘋

夫妻傳染。身覺多痛。癢。臉如虫行。面時作執。用八寶

丹或狗寶湯

肺毒瘋

大腸燥結風痰時發。臉如酒醉。又現紅雲。眉毛先脫。四肢浮腫。用小神丸。

心毒瘋

心經受病。面多紫雲。且多鼻衄。

肝毒瘋

厥陰受病。傷目損筋。肉中結核。皮膚燥裂。或穿爛成瘡。以小神丸治之。

脾毒瘋

太陰受病。四肢焦枯。虎口無肉。身多麻木。遍身紅癩。刺之又無血。髮稀足裂。輕用小神散。重則蕩藜散。

腎毒瘋

少陰受病。脚底先穿。骨節疼痛。多因房勞傳染。或病已發。不禁房事。

血執瘋 又名血風

濕熱相搏。血凝氣滯。結於皮膚。發泡生瘡。且多痺肉。

小神凡八寶丹主之

疹毒瘋

痘痲失調餘毒流於肌肉。又或臥濕浴冷麻木少而疹痘多雖無甚利害却難斷根。

痘毒瘋

一名松子瘋一名珍珠瘋

面有油光疹粒如珠。身有死肉重者粒大臉紅用蒺藜散粒小者小神丸。

軟脚瘋

身上病少濕熱入筋足痿難行雖屢針刺不知疼痛。蒺藜散主之。

破傷瘋

打破跌傷。致風寒身濕。客于經絡。支節之間。年深月久。遂成痺肉。或紅或腫。治法不一。相證用藥。並治病源。

暗滯瘋

手足有痺。遍身淡點。眉疎皮痒。足似蛇行。染者不覺。小神丸治之。

流毒瘋

前因染病。曾餌輕粉。屢發瘡疹。因成麻衣。仍有紅塊。

或破或爛眉稀髮少前方治之立效

按以上三十六瘋種類雖多苟能審其表裏虛實
察其病根之淺深寒熱之輕重係何經之證兼何
經之部位以何藥為主何藥爲使引入某經有是
證卽用是藥又何必區別其名目哉

薛亭識

五不治 輕亦可治

一皮死麻木不仁

易治

二肉死刀割不斷

患處少亦可治

三血死潰爛膿水淋漓

可治

四筋死手足脫落

不可治

五骨死鼻梁崩塌

難治卽治亦不能復原

耳聾聲全啞者

難治

陽事不起者

難治

不斷房事者

不必治

正報者必不可治

又肝經受病先損其目不治

曾以日疾各方治之亦無不愈

五主治

心經受病面起紫雲梔仁主之重則遍身生瘡上損
眼具黃蓮主之

肺經受病眉毛先脫聲破鼻塞梔仁桑皮主之重則
鼻梁崩塌聲啞語變或生息肉黃芩主之外加杏仁

脾經受病遍身如癩苦參蘇皮主之重則語變聲散

土不能生金四肢浮腫其早補之若丸燥之

肝經受病。眉睫先落。皮膚香痒。面發紫泡。荆芥川芎
主之。重則損目。蔓荊菊花玉之。荆芥爲使。若手足拘
攣。乳香沒藥主之。鈎藤天麻爲佐。

腎經受病。耳鳴啾啾。枸杞首烏主之。重則足底先穿。
黃柏玄參爲主。

內治九法

一 統治

寶鑑換飢散

海藏愈風湯

當歸飲

胡麻散

白花蛇丸

行藥方

乳香丸

防風天麻丸

大麻仁酒

紫茄子根散

人參消風散

上係古方下今方

八號丸

通聖散

三黃解毒湯

寬胸行氣散

蒺藜苦參丸

除根蒺藜丸即小神丸

大神丸

涼血八寶湯

行藥方

巴豆散

曾氏水藥方

丸藥方

二分治

病究其源藥疏其流日分治

分五臟經絡酌用引藥

瀉青

瀉白

瀉黃道逆散

三緩治

本氣不足或因藥壞若求速效則病愈深緩以治之

何首烏散

獨活寄生湯

四峻治

受病既久投緩劑則藥不靈峻以治之

葵藜散

雷丸散

五補治

或本氣不足或因藥壞汗下所至治之宜補此條多採薛氏

氣虛

血虛

血氣虛

陽虛

陰虛

陰陽虛

六瀉治

氣血凝滯濕熱相搏則虫生濕熱鬱久則痺甚治之宜瀉

行藥方

追命散

通天再造散

三黃敗毒散

七兼治

先患癘而兼他證或因病而成癘病雜藥雜故曰兼治

如眼目之類

分六經傷寒

婦人調經

八類治

似癘非癘非癘實癘其病不同其理則一治以類合故曰類治

痘癘後餘毒

赤白癩

烏白癩

癰疹

九餘治

爲山九似功虧一篑非計之得也治雖日餘到頭一着幸勿忽視

除其根

善其後

〰

補其血氣

壯其筋骨

外治六法

結於筋絡於皮膚宜治其外

針法

灸法

燒法

薰洗法

爛法

敷法

瘋門總論

痲瘋古人名爲癘瘋又名惡疾黑白癩赤白癩皆其類也但癩癘有麻木者少痲瘋斷無不麻木者丹溪云痲止浙浙然尙有氣血攻衝之狀木則氣血已痺而不仁莫知其痛癢也癘瘋初起者其手足必先麻

水而後皮膚傷潰。靈樞曰：衛氣不行則爲麻木。素問曰：營氣虛則不仁，衛氣虛則不用，營衛俱虛則不仁。且不用又素問：脈要精微論：脈風成爲癩，癩又風寒客於脈而不去，名癩。癩瘋者，營衛熱，其氣不清。薛氏則又以爲外邪所乘，衛氣內伏，濕熱相火血隨火化而致。故治者當以涼血和血爲主，驅風驅濕爲佐，以各經引藥爲使。少加清熱解毒之品，無不全愈。但宜分輕重內外治之。

癩門總藥

此爲奇門中活法，悟後則隨證加減。獨生香香膠桂枝散，瑟反失製方，木意。

梔子核

赤芍藥

香獨活

白鮮皮

金銀花

胡麻仁

土麻仁

同火麻仁

白茯苓

條黃芩

白苦參

北防風

薄荷葉

威靈仙

梔子仁

當歸尾

川黃連

真蕪蛇

川菴活

白殭蠶

明天麻

大川烏

荆芥穗

厚黃柏

黑玄參

老枳殼

浙白朮

漂蒼朮

大秦艽

香白芷

真川芎

錦大黃

鮮紅花

牡丹皮

紅棗皮

俱係山萸肉

按二條 春臺

按盧陵底本另有古法一。卷大半採之薛氏輯要備
要。不詳載其方法。律更爲謹嚴。然邪之所湊。其氣必
虛。素門曰。營氣虛則不仁。衛氣虛則不用。營衛俱虛
則不仁。且不用。此薛氏類治諸法所由設也。設遇所
得不可正治之證。薛氏雖偏於用補。其方未可全非。
又况尅伐過度。因藥變成壞證者。有之。斯時若非大
補元氣。何以砥柱中流。用是增入數方。另編之。正治
外。以備瘋門內治九法之數。既不使魚目混珠。其可

使竿頭進步高明家以爲然否

又按痲瘋二十一論與證三十六種當爲此書壓卷似不宜置於卷末而備要中小神在大神凡輯要已列其方除二十一論三十六證及小大神凡備要只餘數方亦不必另列一卷且慮陵底本與全石藏本互有異同出入如磨風丸全石藏本則有曉亭藏本則無羅氏何首烏散曉亭藏本則有全石藏本又無欲使二書合成完璧非另立目次必不能使諸法絲絲入扣用是自爲起例條分縷晰總名之曰痲瘋全

書首述古重師承也次二十一論三十六證。遡病源也。又次五不治。五主治。決死生也。嗣後內外治法。為是書握要處。加減總藥。為瘋門通變處。而方目次第。臚列亦頗費匠心矣。明知僭越無似。然苟有裨初學。雖見笑大方。亦不敢辭。故既定全書目次。另列原錄。目次於後。以俟高明鑒正。

正小神丸 改名蕪藜苦參丸 統治三十六種惡疾 治

白蒺藜 升刺二兩

北蟬蛻 去頭足 三錢半

北全蝎 米汁洗 糯米非炒 二錢半
荆芥穗 二錢半

北防風

二錢半

大楓子肉

湯不用鹽豉煮七次去淨油否則傷目二錢半

大羌活

五錢

全當歸

酒洗三錢半

大川芎

酒洗二錢半

土麻仁

一兩半

白苦參

酒洗錢半

無癰者此味不用

血熱加生地

胃熱現面加白芷知母

鼻塞加

桑皮黃芩

陰虛加首烏

肝熱加丹皮

目昏

加蔓荊菊花

痺多加元參

面多紅雲紅堆或

油光加白附蠶

血枯加丹參

面脚浮腫加

防已

拘攣加鈎藤勾或茯神白朮

右爲末。老米飯搗爛和爲丸。每服四五錢茶下。

早晚各一次。空心服。間時方進飯食。并忌執湯熱

茶。

丸藥亦不可多服。恐丸藥難化。服完未發外者。卽發已發外者。或更甚。益毒旣攻出。卽遍身潰爛。亦無妨。但要麻木處。漸輕漸狹。卽漸浮漸潤。或別處再發一二處。亦是藥力攻散之功。勿疑。

又須知小神丸服十日。卽停三日。此三日服行藥丸十粒。三日三次。後又服小神丸。俱照此例。若大瀉。卽停勿服。行藥方列二卷。

大神丸服小神丸後倘未除神服此以藥神

熟川烏黑豆水煎五錢製草烏薑汁甘草水煎五錢大楓子去油

白蟻蠶三錢批全蝎薑汁炒五錢批蟬蛻五錢川山甲土炒成五錢

明雄黃二錢台烏藥五錢漂蒼朮童便浸一宿五錢批防風四錢

荆芥穗四錢蘇薄荷四錢萊升麻二錢全當歸五錢大川

芎四錢大秦朮酒洗五錢條甘草去皮五錢又羌活七錢生地黃

四錢右老米飯為丸梧桐子大加減同前小神丸法

每服百丸茶送下忌鐵倘服藥欲嘔須煮烏豆一

勺食之若全愈明年再服小神丸一料連服二三

氣月入書卷七 三

年病根永除

搜風散治三十六種惡疾臉起紅雲身有紅塊

白附子麵粉包白疾黎炒去刺熟川烏一兩草烏二兩

豆煮北全蝎洗去泥沙薑汁炒一兩猪牙皂一兩白頭翁一兩釵石

斛一兩一條甘草一兩右為細末每服一錢酒送下

驅毒疏風方 涼肝八寶湯治內此方治外

大羌活五分槌鹿茸八分川烏濕紙包煨三錢草烏黑豆煮三錢楓子

肉去油淨漂蒼朮八分大秦芫八分白礬蠶炒去絲八分北全

蝎洗去泥沙薑汁炒一錢北蟬蛻洗去泥六分荆芥穗五分北防風六分

炒槐仁錢棟身分八大川芎分八蘇薄荷分條甘草分

右燈心引與八寶丹相間服之俱一日各一次覆

渣時又送八寶丸百粒。

活血解熱湯服小神丸毒必攻出服此以驅熱

全當歸錢五大生地錢二白苦參錢三京赤芍錢一川黃連錢一

炒梔仁錢一荆芥穗錢一北防風錢一蘇薄荷錢一石菖蒲錢五

明雄黃研木油服一錢條甘草錢三燈心引或加象豆半杯

涼肝八寶丹

生犀角判末一兩羚羊角為末一兩真阿膠酒化一兩好京黑兩大

生地酒浸二兩 金當歸酒浸四兩 大川芎酒洗二兩 杭白芍酒沙葳二兩 葳

靈仙半兩 右先將阿膠京墨入銅杓內好酒鎔化入各

藥末搗勻再入米糊為丸每服百丸茶送下。

涼血狗寶丹 專治積熱與氣血相搏久成癩癧此方大能涼血清熱除濕回痺平

肝之妙劑

芭蕉頭去泥四兩 苦楝根皮洗淨四兩 新桑根皮四兩 葶豆子四兩

白雲苓一兩 豬後腿精肉半斤 小狗子一隻產下二十日止滿月者不用以

繩吊死去毛切作四塊

右用酒三升入大銅杓內或沙礮炭火細細煨之

煨至肉爛約湯二三碗即任火夜半飲之勿使人
知次日將肉加酒再煎坐夜再飲服此湯後當齋
戒七日並忌油膩只好吃菜豆白米粥外用苦棟
子皮或葉亦可搗爛加生薑二片再搗布包擦各
患處輕者無不全愈

又此方治婦人血蠱紅崩神效

舒筋疾黎散

治麻瘋筋拳骨折十指脫落或指
曲不伸身多死肉外有蛆皮黑如

蛇鱗白似魚鱗

口喎眼歪鼻塌聲啞足底潰爛

已成不治惟此能治之但非病重難瘳不可輕
投也

白砒霜四兩黑鉛八兩真麝香一錢蜈蚣虫五錢地龍泥去

焙乾二錢土狗子十隻番木鱉炒薑十箇

痛痞塊然必去淨毛豆腐製過再炒焦方可用否則傷人

右將黑鉛打扁分作數塊砒霜亦碾為末用一堅

厚土罐口小身長者將鉛一塊放下罐內令平鉛

上放霜一層上又放鉛一塊鉛上又放霜如此放

完再用新燈盞一只仰蓋罐口鐵絲扎定用黃泥

封固盞內不用泥若是陽城罐不須泥封再取鉄

釘三个釘地上作品字樣以罐架釘上初將炭火

紐燒得泥將乾加文武火及至盞內執極時以筆
點水搽濕盞心引砒霜氣上升候三炷香完徐徐
退火仍以筆蘸水搽盞心候冷方搗次日開礮鉛
鎔在底藥升在盞下取脫砒霜再取梨汁一盞入
銅杓內其煮如無梨汁燒酒代之將餘藥其爲細
末入砒霜再碾磁礮收貯照後法服之

服藥法體實者每次五釐日二次體虛日一次冷
茶調下服後勿食執飲食十歲以上每日服一次
三釐十歲以下服二釐五歲上下難治

服藥至六七日。遍身俱腫。飲食減少。卽服後涼血

解毒湯。三日一劑。若牙齦臉脛齊腫。齒縫虫出者。

勿畏。亦勿停藥。此以毒攻毒。故毒氣發外。服至百

日。方腫消皮脫。指直筋舒。一切油膩魚肉鹽醋椒

醬及菜蔬各物。俱宜戒之。只好菜豆煮白米粥食。

涼血解毒湯。服蒺藜散腫惡特甚不可停藥惟
開服此方解之

白苦參錢半大生地錢半牡丹皮錢半炒梔仁錢半北防風錢半

白蒺藜錢半條甘草錢

加菜豆一合。燈心四十條。爲引。不拘服。三日一貼。

防風通聖散

治癘疾先服此藥三五劑連服丸一劑三日三劑後仍服九子如此接續服

北防風

荆芥

白附

白芷

白茯苓

殭蠶

蒼朮

白蘼皮

無癬不用

靈仙

苦參

無癬去之

元參

赤芍

川芎

黃柏

足痺作川連熱用之

焦礬

檳榔

銀花

牛子

大黃

苦硝

枯芩

生石膏

條甘草

燈心

大黃苦硝二味候起藥時放下合二三洲止若大便洞泄去硝黃相證加減

何首烏散

治癘癩

首烏

一斤米泔浸十日逐日換水

胡麻子

四兩九蒸九晒

右為末每服二錢食前酒調服或薄荷湯送下

羅氏何首烏散

統治癩疾諸證蜜丸亦可

首烏 枸杞 苦參 石菖蒲 甘菊

蔓荊子 靈仙 荊芥

右末每服三四錢酒調下茶清蜜調亦可此為癩

疾之總方

血熱加丹皮梔仁 潰爛加牛子骨皮 拘攣拳

曲加天麻勾藤 麻木甚加蘇藜土麻仁 面上

紅雲紅堆加白附土薑蠶 面如油光加白附土蟬蛻

鼻塞。聲散。加桑皮。黃芩。肉痺。加元參。足麻木。

潰爛。加黃柏。銀花。土茯苓。骨節疼痛。加獨活。

搔痒。加丹皮。蠅蛻。癬多。加蘇皮。浮萍。紅堆紅。

圈。加山甲。皂刺。熱甚。加川連。遍身麻木。非花。

蛇不能。

若作散。足少陽。加柴胡。太陽。加羌活。防風。

陽明。加白芷。厥陰。加柴胡。川芎。少陰。加獨活。

細辛。手太陰。加浮萍。甚。麻黃。足太陰。加苦參。

熱甚。痺。不回者。用硝黃水藥。以各法。加減。通聖散。

服之但方中苦參非脾經實熱之證勿用。

初服九味羌活湯

羌活

細辛

蒼朮

白芷

防風

生地

川芎

赤芍

黃芩

粉草

薑皮

燈心

引服五劑

一服防風通聖散

薄荷

元參

黃芩

焦梔

荆芥

赤芍

大黃

枳殼

北防風

條甘草

身上燥炸加紅花、蒺藜、苦參、蘇皮

薑皮、燈心、引

五劑

三服三黃解毒湯

黃連 黃柏 黃芩 赤芍 枳殼 木通 元參

獨活 防風 薄荷 甘草 薑皮 燈心引

三方俱食遠服

初服磨風丸 此方看何經病重照前方加減若未發經依方用藥

真蘄蛇 酒洗三次 大瘋子 用紙淨 白蒺藜 去刺微炒

北防風 二兩 土麻仁 淘淨上泥炒六兩 片黃芩 酒炒兩半

蜜丸桐子大每日早午晚三次各服一錢茶送下

服一七遍身發燥骨節疼痛為驗後食後腿精肉

一二斤止之食肉之日不必服丸次日照前再服

二服追風丸

重服二單輕止服一單

蘄蛇肉兩

楓子肉兩

白疾藜兩

北防風兩

土麻仁兩

胡麻仁兩

片黃芩兩

尾赤芍兩

酒炒

蜜爲丸服法照前

三服解熱除毒丸

此方可常服

川黃連

薑汁拌炒八兩

犀角粉兩

酒蒸一錢

黑元參兩

乳蒸一錢

土麻

仁兩

淨銀花兩

酒蒸一錢

川羌活兩

白疾藜兩

炒去刺

白蘇皮兩

酒蒸一錢

真蘄蛇兩

楓子肉兩

酒炒

米糊冬蜜四兩爲丸服法照前

四服搜風潤腸丸

方六 胸積熱舒暢經絡可常服

紋大黃

酒拌九蒸九晒三兩

家桃仁

開水泡去皮尖淨油一兩

淨銀花

酒蒸一兩

片黃芩

一兩

郁李仁

取淨肉五錢

土麻仁

炒一兩

黑元參

一兩

嫩苦參

酒蒸一兩

葳靈仙

酒蒸一兩

皮

酒蒸一兩

赤芍

酒炒一兩

白茯苓

陳枳殼一兩

蜜爲丸每日早晚服一次每次三錢滾水送下

五服收功斷根丸

白僵蠶

一兩

胡天麻

一兩

川黃連

三味俱薑汁蒸五錢

北全蝎

去頭尾炒

八錢 川獨活酒蒸 一兩 土麻仁炒 三兩 白芷稍 一兩 北防風兩 白

疾藜兩 楓子肉兩 製首烏錢 首烏須發出五經後

收斂方可用若未出現減去不用

米糊和冬蜜為丸日三服每服三錢甘草湯送下

六服復原固本丸此方生氣血扶元神健筋骨活經絡回瘳木潤顏色年四

十以上六脈微細氣血衰敗方可服

北枸杞兩 紅棗皮兩 蓮花鬚兩 淮牛七兩 川續斷上

酒蒸一兩 揀歸身兩 牡丹皮兩 川杜仲兩 光澤瀉兩

川革薺兩 北五味兩 白雲苓兩 天門冬兩

兩淮山藥微炒 兩芡實米微炒 兩熟地黃兩 川黃柏兩 敗

龜板酒炙 真虎骨酒炙 將骨板一味打碎用佳

酒二十四碗熬至三四碗去滓取汁預將餘藥爲

末入汁內打糊爲丸每早空心服四錢或內加節

麥更妙

瘋病愈後平常浸酒方此方伸筋活血滋腎明目回痺理脾固顏色

浙白朮 淮熟地 絲杜仲 破故紙 淮山藥

苡仁米 全當歸 川牛膝 節羌活 香獨活

葳靈仙 大秦朮 川萆薢 尋風藤即青風藤主治風濕麻痺

三

北防風 漢防己 五加皮 杭白芍 廣木香

小甘草

加烏豆殼一撮紅棗數粒酒浸三日空心服

蕘蛇酒

真蕘蛇一條北秦五錢香獨活五錢葳靈仙五錢嫩桑枝兩

蔓荆子兩川車薺兩甘菊花兩淨銀花兩百部兩大

生地兩白芩兩丹參兩當歸兩赤芍兩赤茯苓兩

枸杞兩黃柏兩牡丹皮兩佳酒煮退火七日飲

生熟地黃丸

大熟地兩 乾生地兩 淮山藥兩 柏子仁兩 遠志

肉甘草水 敗龜板童便炙 白雲芥乳蒸 光澤瀉鹽水

半 牡丹皮酒蒸 丹參酒蒸 全當歸酒洗 杭白芍酒炒

右為細末用釵石斛四兩銀花十二兩熬膏煉蜜

為丸每早淡鹽湯吞四錢

吉水李先傳瘋病經驗方相證

直斬蛇一條中 白蒺藜洗淨木 大楓子淨油 白礬麩

兩 威靈仙二兩 川黃連炒 厚黃柏二兩 黑梔仁二兩 土

麻仁洗淨焙乾 為末六兩

蜜爲丸早晚茶送各六錢。先三日服水藥三貼。方服丸藥十日。卽停三日。一白服水藥一貼。

水藥方

川羌活

錢一

香獨活

錢一

白茯苓

錢半

白附子

錢一

北防風

錢半

荆芥穗

錢半

白蘚皮

錢半

川芎

錢一

赤芍藥

錢半

川黃連

錢半

厚黃柏

錢二

梔子仁

錢二

土麻仁

錢半

滑石末

錢三

熟石膏

錢二

老枳殼

錢一

川厚朴

錢半

淨銀花

錢三

黑牽牛

錢一

生大黃

錢二

石朴硝

錢半

燈心引硝黃後下

丸藥方

大花蛇兩十二

白蒺藜兩七

白附子兩二

白僵蠶去絲

楓子兩二

肉

歲靈仙兩二

川羌活兩二

香獨活兩二

小雲連兩一

蜜為丸

黑元參兩二

炒丹參兩四

土麻仁兩五

續斷兩三

蜜為丸

早

晚各服五錢

水藥方

歲靈仙錢半

川羌活錢一

香獨活錢一

荆芥穗錢半

蔓荆子錢一

白蒺藜錢三

石菖蒲錢一

白菊花錢半

白苦參錢半

炒丹參

炒丹參

炒丹參

炒丹參

炒丹參

錢

胡麻仁錢炒二

何首烏錢三

甘枸杞錢三

丸藥方

白花蛇三兩香獨活二兩白茯苓八兩楓子肉二兩白附子二兩

半兩白燾蠶二兩歲靈仙一兩黑元參二兩土麻仁六兩

黃連四兩焦梔子二兩厚黃柏二兩

蜜為丸各服五錢

水藥方

防風半錢荆芥半錢白芷一錢羌活半錢靈仙一錢元參半錢梔仁

一錢黃柏一錢黃芩一錢連翹半錢滑石二錢枳殼一錢厚朴一錢牛

子半錢丑牛七分大黃半錢苦硝半錢草六分服三劑硝黃

二味另包後下

瘋病經年滿身紅腫燥痒潰爛水不乾方

北綿耆

蜜炙五錢

北直參

三錢

白苦參

酒蒸晒半乾炒一錢

地骨皮

甘草水浸炒乾如此三次一錢

炒丹參

酒炒三錢

木鼈子

一錢

土茯苓

生香

附米

薑汁製一錢

萊升麻

五分

白附子

陳壁上一錢

真蠶

茶泡炒去

錢一

香白芷

炙甘草

一錢

木鼈子

丹參二味生過楊

梅瘡者用之否則減去水煎服十劑

滿面紅塊遍身痒點方

白苦參

酒浸炒三兩

何首烏

四兩

土麻仁

炒另研四兩

黑梔仁

二兩 牡丹皮

酒炒

二兩 牛蒡子

酒炒

三兩 漂蒼朮

半兩

歲靈仙

米泔

夜晒乾另

白茯苓

連刺研

白附子

二兩

白菊花

炒二兩

白芷

兩半

直殭蠶

兩

荆芥穗

三兩

蜜為丸

米糊亦可